

TIRAGATSO YA LENANELO



- Ka nako ya ikopelo, BPC e tla a seka-seka gore ditefiso tsa kgokelo ke bokae mme e neele moikopedi mokwalo o o supang gore madi a kgokelo fa moikopedi a ne a sa dirise lenaneo e ne e ka bo e le bokae, ga mmogo le gore ka lenaneo o lopiwa go duela bokae.
- Baikopedi ba tla a itlophela gore a ba batla go duela ditefiso tsa go gokelwa (tse e leng P5,000) ka botlalo gangwefela kgotsa o batla go a duela ka sekoloto.
- Baikopedi ba ba eletsang go duela madi a kgokelo ka sekoloto ba patelesega go duela 5% ya madi a kgokelo a P5000.
- Fa baikopedi ba eletsang go duela ka sekoloto, ba tla a tsena mo tumalanong ya sekoloto le Botswana Power Corporation.

*Mokgwa wa go ikopela motlakase ga o a fetoga.



SAVE POWER
for your country...

SAVE MONEY
for your home...

For more information, contact:
Marketing and Communications Section
@ 3603000
Ext. 417/418/334/425/426
E-mail: powerefficiently@bpc.bw
www.bpc.bw



BOTSWANA POWER CORPORATION
committed to serve

TODAY...
TOMORROW...



BOTSWANA POWER CORPORATION

committed to serve

**LENANELO LA GO DUEDISA
BAIKOPEDI BA MOTLAKASE
MADI A A LEKANANG**



KETAPELE

Go duedisa baikopedi ba motlakase madi a a lekanang go simolodisitswe ka ngwaga wa 1993 go itsa seemo sa gore baikopedi ba ba mo lefelong le lengwefela (motse kgotsa kgaolo), ba bo ba ka duela madi a kgokelo a a farologanyeng, go lebilwe gore ba kgakala gole kae le kwa motlakase o gogiwang teng.



E re ntswa go duedisa baikopedi ba motlakase madi a a tshwanang go arabile matshwenyego a dituediso tse di farologanyeng tsa baikopedi ba ba mo lefelong le lengwefela, kgato eo ga e a araba kgang ya dituediso tse di farologanyeng tsa baikopedi jwa kgokelo magareng ga mafelo a a katologanyeng, ga mmogo le metse-selegae. Dituediso tsa go nna jaana di kgona go farologana go menagane go ka feta gane.

Go araba kgang e ya dituediso tse di farologanyeng, puso e ne ya dumalana le gore baikopedi ba motlakase ba simolole go duedisiwa madi a a tshwanang lefatshe lotlhe ka bophara, go sa kgathalesege gore ba kgakala go le kae le kwa motlakase o gogiwang teng. Lenaneo le le tla a sologela mosola moikopedi mongwe le mongwe o o ikopelang motlakase mo mafelong a a goketsweng motlakase a a akaretsang metse-selegae, ditoropo, metse-megolo, jalo jalo.

MAIKAELELO MAGOLO

- Dituediso tse di tshwanang lefatshe ka bophara, di bile di se kwa godimo, tse di tla a kgontshang baikopedi ba le bantsi mo lefatsheng la Botswana go ikgokelela motlakase.
- Go oketsa palo ya baikopedi ba motlakase ya mo malwapeng go tswa kwa go 56 % go ya kwa go 80% ka ngwaga wa 2016.
- Go tokafatsa boleng jwa botshelo jwa Batswana.

LENANEO LE LE BEREKA JANG?

Mo kgwedding ya Phukwi ya 2009, puso e ne ya dumalana le gore baikopedi ba motlakase ba duedisiwe madi a a lekanang, selo se se bakileng gore seelo sa kgokelo sa mo lwapeng se nne P5000 mo metse- selegaeng, metse-setoropong, ga mmogo le mo metseng-megolo yotlhe e e goketsweng motlakase ebile e rurifadiwa ke badiri ba puso ba ba lebaneng. Thulaganyo e e tla a tsamaisiwa ka ditsela tse di latelang;

- Kgato ya Ntlha: 1 Moranang, 2010- Baikopedi ba ba mo mafelong a a goketsweng motlakase ba simolola go duela madi a bone. (a a tsenang mo letloleng)
- Kgato ya Bobedi: 1, Phalane 2010- Baikopedi ba ba mo lefelong le lengwefela ba simolola go duela P5000 go gokelelwa motlakase.
- Kgato ya Boraro: 1, Phalane 2011- Baikopedi ba ba mo mafelong a a katologanyeng, ga mmogo le ditoropo ba simolola go duela P5000 go gokelelwa motlakase.

KE MANG YO O TLA A Kgonang GO DIRISA LENANEO LE?

Lenaneo le le tla a solegela molemo baikopedi botlhe ba motlakase ba ba mo mafelong a a goketsweng motlakase a a akaretsang metse-selegae, ditoropo le metse megolo e e bileng e rurifadiwa ke maphata a puso a a lebaneng. Se se raya gore moikopedi o ka dirisa lenaneo le go feta gangwe fa a na le ditsha tse di fetang bongwe mo mafelong a a farologanyeng.

1. Lenaneo le le tla a sologela molemo metse e e mo dikgaolong tse di goketsweng motlakase fela. Dikgaolo tse di tla a rurifadiwa ke maphata a puso a a lebaneng.
2. Baikopedi ba ba kwa ntle ga melelwane ya kgokelo ya motlakase, ba tla a ituelela madi otlhe a kgokelo ya motlakase.
3. Lenaneo le le tla a solegela mosola baikopedi ba metse-selegae e e batlang motlakase wa selekano sa 60Amps (A) wa single phase.
4. Baikopedi ba metse-selegae ba ba batlang motlakase wa selekano sa 60Amps, mme e le wa 3 phase, ba tla a duela P5000 ba bo ba tsenyediwe fela motlakase wa 3 phase. Se se raya gore ba tla a ituelela pharologanyo ya madi ao go tsenyediwa motlakase wa selekanyo se ba se batlang.

5. Baikopedi ba metse-selegae ba ba ikopelang motlakase o o fetang 60Amps ebile o feta selekanyo se se umakilweng mo go 3 le 4 ba tla a ituelela madi a kgokelo otlhe.
6. Baikopedi ba bangwe ba ba akaretsang ba dikgwebo tse di potlana, tse di fa gare, le tse dikgolo ba tla a gokelelwa motlakase fela jaaka gale go lebilwe melawana ya puso jaaka e ntshiwa ke BPC.
7. Makgotla a puso a tla a ituelela madi a kgokelo otlhe.

KE MANG YO O SA SOLEGELWENG MOLEMO KE LENANEO LE?

- Bagwebi ba dikago
- Makgotla a puso
- Dikgwebo tse di potlana, tse di fa gare le tse di kgolo. Se se akaretsa le balemi.

MOKGWA WA TUELO

Sebaka sa go duela madi a kgokelo ga se nke se feta dikgwedi tse 18, ebile se tla a kgaoganngwa ka ditsela tse di latelang;

- Dikgwedi tse 6, ka morokotso wa prime minus 6%
- Dikgwedi tse 12, ka morokotso wa prime minus 4.5%
- Dikgwedi tse 18, ka morokotso wa prime minus 2%

Lenaneo le ga le tlhaole ka dingwaga. Mme le fa go ntse jalo, baikopedi ba ba dingwaga tse 60 le go feta ga ba nke ba letlelelwa go duela ka sekoloto mme ba tla a solofelwa go duela madi otlhe gangwefela. Madi a VAT ka botlalo le a deposit a tla a duelwa ke moikopedi. Fa moikopedi a ithophelang go duela madi a kgokelo motlakase ka sekoloto, o tla a seka-sekiwa gore a o mo seemong sa go ka fiwa sekoloto seo, mme ditsefiso tsa ditshekatsheko tseo di tla a duelwa ke ene ka nako ya fa a duela deposit. Tumalano ya gore madi a kgokelo a tla a duelwa jang e tla a saeniwa ke moikopedi ga mmogo le BPC pele ga tiro e ka simolola go dirwa.

Baikopedi ba metse-selegae ba ba batlang go gokela motlakase o o fetang 60Amps ebile o feta selekanyo sa single phase ba tla a duela madi otlhe ka botlalo.

